

## PARRY, JOHN ('Y telynor dall'; 1710? - 1782)



**Enw:** John Parry  
**Ffugenw:** Y Telynor Dall  
**Dyddiad geni:** 1710?  
**Dyddiad marw:** 1782  
**Plentyn:** William Parry  
**Rhyw:** Gwryw  
**Maes gweithgaredd:** Cerddoriaeth; Perfformio  
**Awdur:** Robert David Griffith

Ganwyd ef ym Mryn Cynan yn agos i Nefyn, Sir Gaernarfon, c. 1710. Dywed '**Carnhuanawc**' mai Robert Parry, Llanllyfni, a ddysgodd iddo'r gelfyddyd o ganu'r delyn, a dywed **Edward Jones** ('Bardd y Brenin') iddo gael gwersi gan Stephen Shon Jones o Benrhyndeudraeth. Daeth John Parry yn un o delynorion gorau Prydain a bu'n canu'r delyn ym mhhrif gyngherddau'r deyrnas yn Llundain, Caergrawnt, Rhydychen, a Dulyn. Penodwyd ef yn delynor **Syr Watkin Williams Wynn** yn Wynnstay, Rhiwabon.

Cyfraniad mawr John Parry i Gymru oedd cyhoeddi tair cyfrol o alawon. Cyhoeddwyd y gyntaf dan yr enw *Antient British Music* yn 1742; cynorthwywyd ef gan **Evan Williams**, y telynor o Langybi, Arfon, i gasglu'r gyfrol hon. Yn 1761 dug allan *A Collection of Welsh, English, and Scotch Airs*, ac yn 1781 *British Harmony, being a collection of Antient Welsh Airs*. Gwasanaeth amhrisiadwy oedd cyhoeddi y casgliadau hyn o'r alawon, a dechreuwyd cyfnod newydd yng ngherddoriaeth Cymru drwyddynt.

Bu farw yn 1782 - fis Tachwedd yn ôl y *Gentleman's Magazine*, ond Hydref, medd **Edward Jones** yn y *Relicks of the Welsh Bards*. Credir iddo gael ei gladdu ym mynwent Rhiwabon.

### Awdur

**Robert David Griffith**, (1877 - 1958)

### Ffynonellau

M. O. Jones, *Bywgraffiaeth Cerddorion Cymreig* (1890)

R. Griffith, *Llyfr Cerdd Dannau* (Caernarfon 1913)

*Y Cerddor*, Medi 1889

J. Lloyd Williams, *Y tri thelynor arloeswyr cerddorol Cymru yn y ddeunawfed ganrif* (1945)

Groves, *Groves' Dictionary of Music and Musicians* (1940)

### Darllen Pellach

Ann Griffiths, 'John Parry, Parry Ddall', Rhaglen Gwyl Gregynog, 2010

Erthygl Wicipedia: **John Parry (Y Telynor Dall)**

### Gweithiau

John Parry a Evan Williams, *Antient British music* (London 1742)

John Parry, *A collection of Welsh, English & Scotch airs with new variations also four lessons for the harp or harpsichord*(London 1761)

John Parry, *British harmony: being a collection of antient Welsh airs*(Ruabon 1781)

### Dolenni Ychwanegol

VIAF: 62800193

Wikidata: Q6251987

**Dyddiad cyhoeddi:** 1953

**Hawffraint Erthygl:** <http://rightsstatements.org/page/InC-RUU/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.

frannu

Arddull APA

x

Griffith, R. D., (1953). PARRY, JOHN ('Y telynor dall'; 1710? - 1782). *Y Bywgraffiadur Cymreig*. Adferwyd 12 Tac 2024, o <https://bywgraffiadur.cymru/article/c-PARR-JOH-1710>

Prifysgol

Preifatrwydd a Chwci  
Hawffraint  
Y Prosiect  
Cymorth  
Cysylltu

LGC  
NLW

LLYFRGELL  
THE NATION



Yn ddiwyd gan  
Llywodraeth Cymru  
Sponsored by  
Welsh Government